



Ornament

1. Sprecher Joh. (Christl. Instruction
und was für in Kläpfung für am,
Auser Artikel des Glaubens,
Papst 1543.

2. Lorenz Aug. bin.

Const. 1. 98.

Philipp Emmerig Jäger


100



[Faint, illegible handwriting]







Hexen

Büchlein das ist ware

entdeckung vnd erklärung/oder Decla-
 ration fürnämlicher artickel der Zauberey / vnd was
 von Zauberey / Unholden / Dämonen / Nachtschaden /
 Schürzen. Auch der Hexen handel / art / thun / lassen / we-
 sen / büßschaffen / arzeney / wohar sie erwachsen / vnd als
 ler ihrer Machination. Item was Wechselkind vnd
 Wütes hâr / vnd darvon zû halten sey. Allen Vögten /
 Schultheysen / Amptleuten oder Ampts verwaltern /
 vnd Regenten des weltlichen Schwerdts vnd Regis-
 ments nutzlich zû lesen. Etwan durch den Wolgebor-
 nen Herren / Herz Jacob Freyherz von Liechtenberg /
 auß ihrer gefengtnuß erfahren / vnd jetzt durch ein
 geleerten Doctor zûsamen bracht / vnd weit-
 leüffiger beschriben zc.



[Faint, illegible text, likely bleed-through from the reverse side of the page]



Gemeine Declaration von Zauberern/
Hengsten/Heyen zc. vnd ihrer Machination/
was darvon zu halten sey.

A Jewol mit gfar vnd sorg von Zauberern/Hengsten/Heyen zc. zu schreyben vnd zu reden ist/ja vor dem einfaltigen ganz geschwigen/dweyl nit jeder (auch ettwan so wöllen hochgeleert sein) den waren bericht vnd verstand einbilden wil/noch dan wil sich nit geziemen/on bericht/für zegon/dweil so vil daran gelegen ist/auch so vil darvon geredt vnd gehandelt wirt.

Dieweil nun so kindlich von hoch vnd nideren/disen handel betreffend/geredt vnd gehandelt/auch deren wenig/die auß grund mit erfahrung von diser materi gescriben vnd glert/wil ich auß heyliger gschrift/bewerten historien vñ täglicher erfahrung/so vil not/beschreiben.

Ob Zauberey in wesen sey.

On erst zu probieren von nöten ist/das Zauberey vnd Heyenwerck inn wesen sey/von wem von erst erfunden vnd getriben. Dan so vil darwider/glert vnd unglert/fablen vnd schreyen/das nichts daran/noch inn wesen sey/ist ihn als ein fabel vñ glechter spil/mache das sie weder heyliger noch natürlicher gschriften/auch Meteoroloischen/Mineralischen influenzen/impressionum zc. kein wissen noch erfahrung hand/Darvon Jacob Sprenger par. 1. ca. letzten. besehen magst.

Sprengers.

A ij Von

Declaration Zaubererey

Polydorus. Von wem die zaubererey von erst erfunden/getribē ꝛc.
Polydorum de Inventionibus rerum lib. 22. 23. ꝛc. lesen
solt/wil hār zū vil lang zū schreyben sein. Das aber zaubererey vñ hexenwerck in wesen/ligt so offentlich am tag/
das der/so heylige gschriffte nit verwerffen/vnd natura-
les influentias (deren keins der glert verwirfft/dieweils
heylig gschriffte vnd natur vermag) nit verleügnen/di-
ser Wirkung vnd handlung glauben müß. Dañ das in
vil wäg in der gschriffte/natur/historien ꝛc. probiert vnd
erfaren ist.

**Exod.
Phylons.**

**Exodi 7.
Actoz. 8.
Cornelius.**

Hat nit Ad vnder den Juden groß zaubererey getri-
ben: als Phylon Judeus lib. Antiquitatū Biblicarum
schreybt. Item die zaubererey Pharaonis / wie das büch
Exodus weyßt. Dergleich Simon zauberet das volck/
als Lucas in den Geschichten der Apostel schreibt. Was
selzamer zaubererey die Germani/Teütschen gebraucht/
hat Cornelius Tacitus wol beschriben libro aureo ꝛc.

Von zweyerley zauberereyen ꝛc.

Zweyerley zaubererey haben wir/diser zeyt/zū der ge-
rechten vnd glincken seyten. Zū der gerechten/das
die/so wöllen Christen sein/Gott mit zaubererey ver-
letzen. Vermeinen mit segnen/weyhen/firmen ꝛc. des
weychwassers/pfaffen/gloggen/kirchen/krant/kraden/
Ostertauff ꝛc. vnd was des kindspils ist/die sünd zūner-
geben/den teüfel mit seynen gespöñst/zaubererey/vnhol-
den ꝛc. zū vertreyben/das nit minder ein zaubererey/dañ
das zū der glincken seyten ist / dieweil da ein abfal von
dem schöpffer auff den Moloch / das ein abziehen von
Gott auff creaturen ist.

Der geyst Gottes laßt sich nit also hin vnd hār / auff
vnd

Vnd Hexenwerck.

vnd nider/ein vnd auß beschweren / nach eins jeden tho-
ren/Bischoffs/Pfaffen zc. gedanck/das er ein vnd auß/
in stein/holtz/artz/wachß/krant/öl zc. beschworen werd/
dieweil er sunst nach der maß in allen dingen ist. Der
mensch spricht Salomon/hat nit gwalt vber den geyst/
dem zu weren oder zwingen zc. Was Got einmal gesäg-
net/bleybt in ewigkelt gesägnert. Darumb alles sägnen
von Pfaffen/Leyen zc. ein vergeben/vnmutz vnd war-
zauberisch sägnen vnd weyhen ist.

Sap. 12.
Eccle. 8.
1. Para. 18.
Gene. 27.

Wie vil zaubereyen/hexenwerck durch Juden/Hey-
den/böß vnd schwach Christen mit sägnen/betten/creü-
gen/charactern/wallen/geschrifften zc. getriben sey/ist
allen warē Christen wol bekant/dardurch auch one zal
verfiert vñ betrogen wordē seind/als harnach bezeügt.

Das auch zauberey / hexenwerck zc. zu der glincken
seyten getriben/von den/so von Gott vñ Christo wenig
haltē/sich des teüfels vñ creaturen gebrauchē/habē wie
in vil wäg durch heilige gschriffte vnd historien probiert.

Da Moses auß Gottes krafft den stab in schlangen/
wasser in blüt verfürte / bald zauberer auß der natur/
durchs teüfels hilff/gleyche wunder volbracht /des ge-
walt grösser dan keins menschen ist.

Exodi 7. 8.
Job. 41.

Vnd der gleych mer an vil vnd mengen orten / das
nach vnd nach im Process probiert vnd beschriben wirt.
Namlich Genesis 41. Exodi 7. 8. 9. 22. Numeri 23. Le-
uitici 19. 20. Deut. 18. 1. Reg. 28. 4. Reg. 1. 21. 23. 1. Para.
11. 2. Para. 33. Psal. 58. Esaie 2. 8. 44. 47. Hiere. 10. 27.
Danielis 2. 4. 5. Michee. 5. Nahum 3. Zacharie 12. Sa-
pientie 12. Eccle. 34. Actor. 8. 13. 16. 19. zc.

Nit minder auch der Babst von zaubereyen geschri-
ben. Namlich 26. que. 2. 4. 5. 7. 88. Dist. 33. que. 1. ca. Si

A iij per

Declaracion Zauberer

- Thomas.** per sortiarias 2c. Item extra de Sortilegijs durch auß/
Thomas secunda secunde quest. 95. 2c.
- Wie da die gschrift in genere et specie/gmein vnd son-
der redt/also werden auch die zauberer in vilen vñ men-
gen orten genennt/ vnd als vil zauberer/ als vil mag
sie namē tragen. Werden ettwan die Zauberer/Magi/
Arioli/Augures/Omen seruantes/Malefici/Somnia-
tores/Phytones/Incantatores/Aurispices/Diuinato-
res/Necromantici/Geomantici/Idromantici/Pyro-
mantici 2c. genent. Darvon Augustin. De doct. Christ.
li. 2. Polydorum de Inuent. rerū li. 1. ca. 22. besehen solt.
- August.** Magische art auff jr hat/ das die Zauberer durch die
Polydorus teüfel die Element versponstē/die gmüter der menschen
betriebend / vnd durch schädliche tranck die hertzen ver-
Magi. gifften/dardurch sie auch vnderstond Franck zū machē/
zū tödten/vnd die Francken wider gsund zemachen/tode-
ten wider erquickē.
- Astrologi.** Astrologi vermeinend auß dem einfluß des gestirns
recht künfftige ding zū wissen/die geburtē der menschen
vnd thieren zū beschreyben.
- Chyroman-
tici** Chyromantici/ so auß der lineen der hand dem mens-
schen künfftigs versprechen.
- Spatulas
mantici.** Spatulamantici/ die ansehens der schulteren/glydes-
ren 2c. wöllen die art der menschen beschreyben.
- Sortilegij.** Sortilegij / mit seltsamen figuren vnd characteren
wunderbarliche ding zū wissen vñnd zū wegen bringen
vnderstond/ Ut 26. quest. 1. ca. Sortilegij 2c.
- Arioli.** Arioli seind die/so durch zedel auß den altaren gesäg-
net / vnd der gleych gespönst vnd sägen zū gutem vñnd
bösem treyben.
- Augures.** Augures die ire om dar gend dem vogel gsang/das sie
künfftigs

Vnd Hexenwerck.

Künfftigs darauß nemen / etlich auß dem flug / ander auß dem gfang.

Malefici/dz sie vbel durch teüfel den creaturē thünd/ richten grausame gespöñst dem nechsten an.

Malefici.

Somniatores / so tröüm durch die teüfel auß legen.

Somniatores.

Incantatores vnderstond sich mit iren sängen/gebetelein ic. dē teüfel zū beschwerē in zū helffen/zū in zetumē.

Incantatores.

Omen seruantes/die auff fal vñnd vnfal den gegenwurff stellen / güts oder böses darauß hoffen / als so ein ein haß vber den weg laufft / ominiert er böses drauß.

Omen seruantes.

Diuinatores vnderstond sich Götlicher werck / Künfftige ding durch teüfel auß legen / warsagen ic.

Diuinatores.

Phytones / die durch schlangen / würm / seltsame wunder an richten / durch den teüfel zū samen beschweren.

Phytones.

Necromantici reden mit dem teüfel / sagend vñd treibend wunderwerck mit blüt / berieffend die todten vñder erd / beschwerend den teüfel ins glas ic.

Necromantici.

Hydromantici treiben gespöñst im wasser / Geomantici im erdtreich / Pyromantici im feur / Aeromantici im lufft ic. Vñd der mer on zal gebrauchen sich dise leut / die ich diser zeyt nit schreyben wil.

Hydromantici.
Geomantici.
Pyromantici.
Aeromantici.

Drey ding gehörend zū zaubererey.

Witer ist zū wissen / das drey ding zū zaubererey vñnöten seind. Namlich verhengung Gots für das erst vñnd haubtstück / das ander der mensch Zauberer / das drit d teüfel / Sathan / ascendens / descendens / incubus vñ succubus ic. Verhengüg Gottes ein vrsach aller zaubererey vñ werck des teüfels / auch des zauberers ist / ohn die der teüfel noch zauberer nichts vermag noch kan / dahär auch die Zauberer die löse nit machē / vñ den traum

Declaration Zaubererey

Exodi 8.
Gene. 41.
Job 1. 2.

traum Pharaonis nit auslegen mochten. Wo Got nit darein verhenge / mag der teüfel nichts geschaffen / wie bey Job probiert.

August.

Das verhengt aber Gott vnd laßt es zii / güten vnd bösen / den güten zii prob / den bösen zii straff. Den güten als Job / Tobie / den bösen als Simonizc. Vnd beschicht / spricht August. De ciui. dei li. 2. ca. 23. 2. Senten. Dist. 7. 8. 10. zii betriegen die betrieger / zii warnen die gleübigen / zii probieren die grechten / vnd gedult der leydenden zii verkünden.

Wohar zaubererey erwachsen ist.

Plinius.

Zaubererey vnd heyen werck auß mancherley vrsach erwachsen ist / als Plinius lib. 30. cap. 1. 2. schreybr. Etwan auß böser gselschafft / gspilschafft / hoffart / geyzigkeyt / neyd / hass / fleyschlichem mütwillen / trawrigkeyt / armüt zc. So sich auß disen vrsachen / wie härnach beschriben / die menschen mit dem teüfel verbinden / gemeinschafft mit im halten / vertragend sich vnd omaginierend / das ist / huldend mit im / da sie sich Gottes ires schöpffers vnd Jesu Christi / aller gleübigen verleügnen / auch all creaturen schenden wöllen / vnd dem teüfel mit leyb vnd seel ergeben / ihm opfferen / darnach mit im hüren / ettwan den bund mit blüt verscriben zc.

Aristoteles

Das beschicht von man vñ weyb / mer aber von weybern / dan man / macht dz sie blöder natur / dan die männer seind / als Aristoteles lib. 5. De Animalibus spricht.

Auch in zwen wäg volbracht / in gemein / vnd sonderlich. Sonderlich thüt sich der teüfel oder ascendet / zii der person / legt jr sein werbe für / so sie dan darin vergundt / vertragen sie sich / bis für gemein gselschafft kumpt / gleich so einer

vnd Hexenwerck.

so einer ein frauen in verbo de presenti nimpt / hernach erst vor der gmeynnd oder Kirchen bestädt.

Gmeynlich wirt das bestädt / so der teüffel durch sein pedellen ein general Cöcilium aller Hexen / von allen orten / oder sonderen Nation d welt berüfft / Dan werden die Nouitien fürgestellt / wie jr gwonheyt / in der gemeyndt gezelt / auch wie den anderen / das zeychen eingelübt vnd angehefft / als hernach beschriben wirt.

Das ist nit verborgen / das die ascendenten / descendenten / geyst der gestirn / auch das gestirn influenz der himel zc. wie wir / das erdterich / pflanzen / die hernach auch jr ampt auff erden volbringē. Wie auch geyst die zü raach geschaffen seind / ja als bald das kind geborn / versucht er sein tück daran / ob jm gelingen möcht / da her den kindbetterin vil mehr / dan anderen zü gesetzt. Wo nun das kind den ascendenten empfacht / das ein auffsteigend zeychen der bossheyt ist / dan verbirgt sich der teüffel / laßt sich nit mercken / laßt das kindlin sein / Wisach / es ist jm noch nit züm instrument geschickt / dz er zü seiner bossheyt bedarff. Auß disem flüßt / das auch etwan die kind in der wiegē wunderbarlich sachen treiben / wölches auß dem ascendenten beschicht / als wir von Jororaste lesen / Augustinus de ciui. dei. lib. 21. ca. 14. Plinius lib. 7. ca. 16. Sabellicus Ennea. 1. lib. 1. zc.

Dise geyster / ascendentē / descendenten zc. haben vnder in seltsam vnd zerteyle art. Der ein zucht zü zauberey / der ander zü hürerey / drit stelen zc. Wo nun die kind der von diser art vnd natur durch vatter vñ mütter nit gezogen / Gott vñd Christo nit ergeben / zü jm rüffen / mit betten / fasten zc. anligen / wirt das kind in verderben auffgezogen / zü lezst in disem laster verdampft / dar

B vmb

Eccle. 39

Jororastes
Augustinus
Plinius
Sabellicus

Declaration Zauberey

vmb halten hart an / jr alter / mit sorg vñ straff / das die
Kind in Gottes forcht erzogen / vñnd von disen lasteren
errett vñd beschirmpet werden.

Wañ nun dise geyst vñnd sünd bey den Kindern von
jugend auff eingewürzt / vñnd nit dar von gezogen /
wirt eins fels darauff die falsch natur jr wonung bau
wet / die hernach nit leichtlich falt / wachst in der böß
heyt auff / zñ dem das der mensch ein verderbliche art
an jm selber hat / von natur neydig / hässig / hoffartig /
geyzig / vñnd begyrig fleyschlichs lustes ist / dises last
der teüffel wachsen vñnd zñ nemen biß es kumpt auff
sein höchste exaltation / als dan / so er befindt dē ange
bornen neyd / haß / gezig hertz / fleyschlich begürd ic.
jm dienstlich sein / ein geschickt instrument / so jagt er
dan an mit neyd / haß / hoffart / gezigkeyt / fleysch ic.
nach art der person / biß ihm gelingt / vñd den spieß in
die hand erwyscht.

So der geyst nun das befindt / reyt er weyther zñ
hoffart / neyd / haß / vñnd fleyschlichem lust / wie er dan
de menschen geartet findt. Ist er neydig / bewegt er
den menschen zñ raach / hoffartig / zñ weltlicher ehr / vñ
Teüsch / zñ luxurischen wercken. Sindt er in arm / lustet
in zñ stelen ic. Das aber der mensch nit alleyn allweg
durch sich selbs zñ wegen bringen mag / fart der teüffel
zñ / leert in im traum / oder sichtbarlich in angenumen
leyb / den die engel / güte vñ böß / mögen annemen / die
güten / als Tobias vñd Lucas beschribē / die bösen wie
mit Luen / Job / Christo ic. beschehen.

Im traum tragt er für / wie er ihenes oder das thün
oder lassen soll / schreibt jm Ceremonien für / die doch
nichts dar zñ thünd / als hernach gesage / da mit er zñ
hoffart /

Vom leib
der geyst.
Tobie 5
Lucas 1

vnd Hexenwerck.

hoffart / reychthumb / stelen / huren zc. füglich kün-
men mög.

Item sichtbarlich in angenehmen leyb / den er vom
lufft vnd erdterich an sich nimp / formiert in wie er den
haben wil / junger oder alter / menschlicher oder siechi-
scher gstat / doch nit wie der mensch / dan da kein emp-
findlich leben / ware seel / organum physicum / noch
menschlich informirig ist / wie Aristoteles 2. De anima
schreibt / hat nit natürlich augen / bauch / eingweyd zc.
Wie wol also gestalter / das er darauß sehe / trinck / eß
oder deüw zc. als ein ander mensch / treibt den leyb / wie
der meyster ein rad / schiffman das schiff zc. da her et-
lich phylosophi / als Apuleius Africanus zc. betrogen /
so gsagt / teüffel seind thier leiblich / vernünfftig / vnd
sterblich vnd von lüfftigen lyben zc.

Aristoteles

Ob er gleych geberdet / als ob er eß / trinck / sehe zc.
Noch ist als ein won / sihet von im selbs im geyst / ver-
halt das essen verborgen biß er von im schütten mag /
da mit er die welt betrügt / mit sölichem leyb künpt er
offt zu weib vnd man / spricht in fründlich zu / verheyßt
in land vnd leüt / güte vnd gelt / aber wenig leyst er ihn /
wie er Christo gethon. Macht dar nach bündnissen /
verzwyslet verträg / richte bündt vnd pflicht zeychen
auff / schreibt Ceremonia für / weyßt vnd leert sie der
hoffart / geyzigkeyt / fleyschlichem lust / neyd vñ haß zc.
güte zethun. Muzet den hoffartigē mit schönen kley-
neten auff / hürt mit dem fleyschlichen / macht

Matth. 4

den armen reych / erfüllt des geyzigen

lust zc. wie hernach mehr

erzelt.

B ij Von

Declaracion Zaubererey
Von Tonder / Hagel / Schnee /
Regen vnd Reüffen zc. zemachen.

Leert sie dar bey auch / nach irem won / wie sie Tonder / Hagel / Reüffen / Schnee / Wetter / Luft zc. machen / zaubern vnd verzaubern sollen. Item in thier / Katzen / wölff / gäyssen / esel / genß / vögel zc. versenderen / auff stecken vnd gabeln reytten / von ein ort an das ander faren / die leüt erlammten vñ Wüthißhör zu richten zc.

So sie das verstand vnd gleret / brechen sie mit wercken auß / nach dem vñ jr geyst oder ascendent geartet / vnderstond sich der Ceremonien zebrauchē / dar mit sie irem neyd / haß / hoffart / fleisch zc. gnügthün / wie sie der teüffel leert / zeygt in an selzame werck / etwan ein sceppter machen mit vier Knöpffen / jeden zu einem ort der welt / auff Occident / Orient / Septentrion vnd Aquilon zc. vñ den stellen an das ort / so sie handeln wil / mit ein hämerlin daran schlagen zc. Dan fart der teüffel auff die selbigen Region / vnd wirckt durch die natur / die er zu samen bringen mag / dar durch es haglet / reysfet / schneygt od wetterschlägt zc. wie Jacobus Sprenger parte 2. ca. 15. geschriben.

Wan nun Gott den ascendenten vnd zauberern verhengt / so mag der geyst alles zu wegē bringen / das die natur vermag. Daher der Zauberer durch hilff d ascendenten sumer frucht / als Kriese / erdber / äpffel zc. im winter bringē / Ja recht natürlich / nit versponste frucht / dan die Regiones des erdterichs seind vngleich / dem einfluß nach. Wan es bei vns Summer ist / so ist es bei den Antipedes winter / vnser Dizon oder Clima mag frucht.

Sprengerus

vnd Hexenwerck.

frucht haben / das der Affricanus / Indisch zc. nit vermagen. Vnd so bey vns ist Herbst / ist bey den nideren Glantz / bey vns nacht / bey den nideren tag / zc. Wie dan heiter im Globo gezeygt / da findt man alle tag sumer / glantz / winter / herbst zc. Also für vnd für gibt die zeyt alle tag Kriese / erdber / äpffel zc. vñ ist allweg weinlet / erndt / das alles natürlich. Ob es wol dem vnwissenden selzam ist vnd wunder gebürt / auff das mag der Magus / Zauberer durch sein ascendenten sollich schnell zu wegen bringen.

Also oft beschehen / das 8 Zauberer durch sein ascendenten ein König / Fürsten / Herren auß Orient sein essen auß der Euchy genommen / vñ ein anderen in Occident zu gefiert. Das alles so es Gott verhengt / natürlich beschehen / dan der geyst flux vnd bald von statt faren mag / wie die gschriffte von Abacuck meldung hat.

Danielis 14.

Weyther so die Zauberer / Hexen ire werck volbringen wollen / hagel / reysen machen / gebrauchen sie sich etlicher Ceremonie / spreche dar mit den teuffel an. Dan fart er hin / da wetther von natur selbs in lufften seind / treibts an das ort vñnd statt / da sie iren neyd vnd has mit raach volstrecke wend / dar zu ist der teuffel allweg gerüst / mag den züg behalte / da mit er tonder / hagel / schnee zc. so lang die stund im füglich ist / zebrauchen.

Das zu erwan von der Hexen zeychen haben wil / besonder ires hars / dz er dan in die hagel steyn vermischet / überzüchts mit eyß / wie der Apotecer coriander mit zucker bekleydt / da mit ir zeychen an irer arbeit erfunden werd / wie der Münzer das zeychen auff das silber schlacht. Dan wie der mensch mag arbeiten in den metall / also der ascendent in einfluß des himels wirken /

B ij die weil

Declaration Zauberey

die weil im die natur / auß Gottes verhängen / vnder
worffen ist.

Wo nun der Zauberer oder Hexen neyd auß gies
sen wil / da richt der teuffel das wetther hin / gleich wie
der schutz sein pfeyl zu dē zwecke richt / treibt mit mache
das gwülck / das schneller dan die kugel von der büchsen
gadt. Wie das alles vom hagel / also vō reysen / schnee /
wind / gfröst / wolckenbruch ic. verstandē werden sol ic.

Beschicht darumb nit wider / sonder mit der natur /
dan vil kunst auff erden / die sich mit den Metheoroloys
schen impressionen vergleichen / vnd wie die himelsch
lichen generationes beschehen. Also ist es auch auff der
erden natürlich / das durch Mineralische ding / des sel
ben gleychen / irdisch Metheoroloysche werck erzeygt
werden. Exempel / Der Salpeter mit alchameyscher
vermischung / die weil sie vnbereyt seind / auff erden ver
mischt ein grossen hauffen zu samen getragen / ange
zündt / so verbrent er sich selbs in ein rauch / steigt auff
in das gwülck / das resoluiert sich selbs / gibt tropffen
vnd wasser / wie der natürlich regenthut. Also auch zu
wissen / das durch solliche Compositiones / versamlun
gen auch tonder / hagel ic. erwachsen / dan die ascenden
ten die selbigen impressiones gebrauchen. Also das sie
materien der Mineralischen dingen zu samen / an ein
heymlich ort tragen / da brauchen sie die kunst Vulca
ni / machend da selbst ein natürlich wetther / da her sieht
man oft auß ein loch ein grossen rauch auffgan / dar
auß ein wetther wirt / dz weyßt d̄ geist wo hin die
Hexe wil / dar durch der welt schaden
beschehen mag.

Von

vnd Hexenwerck.
Von artzney der Hengsten/
Hexen ꝛc.

Wither ist zu wissen/das die Zauberer/Hengst/
Hexen ꝛc. durch den teuffel auch vil wunder treis
ben mit artzney/machend vil gſund/ja die allein/
so sie vor hin durch dē teuffel verlegt/vergift vn̄ prest/
hafft gmacht hand/vn̄ auff hörend zu legen / dar durch
sie ein grossen zulauff vnd namen überkumen/ als Au
gustinus De doct. christ. De diuinatione demonū. Itē
Lactātius/De erroris Origine li.2.ca.6.ꝛc. beschriben.

Augustinus
Lactantius

Von Nachtschaden vnd Schützen
der Hexen.

Verlegend dar bey vil leüt vn̄ siech biß auff vn̄ in
den tod/alles auß Gottes gunst/fürnemlich dz sie
vnder die haut in dz corpus/leib hinein schiessen/
straw/sewpirst/spen/leder/abschnitz/faden/ fürbaten/
spindelspitz/fischgrath/dorn vnd der on zal / das treibe
der teuffel so meysterlich/das die haut darumb nit ver
leget wirt/thüt die Poros/schweyßlöchlin auff/greiffe
hinein/laßt dan̄ im fleisch ligē/fallē die Pori/schweiß
löchlin wid̄ zu. Gleych als so einer ein steyn in dz was
ser legt/zicht die hand wider auß / laßt den steyn ligen/
dan̄ sibet niemants wie der stein in das wasser kumen
ist. Also beschicht auch etwan̄ natürlich / das der stral
durch ein scheyden schlacht vn̄verlegt / vnnd das eyser
darin zermalt / macht das die scheyd porosa gelöcheret
ist/der gleych beschicht mit disem gespōnst/ das
schädlicher/dan̄ ander streych vnd
wunden ist.

Wie

Declaration Zauberey

Wie die Hexen man verzaubern/ auch jr Krafft vnd glyder nemen.

Berosus
Sprengerus

Nit minder solllich eingriff den manen beschehen/
da in jr manliche Krafft geminen wirt / als Cain
seinē vatter Noach gethon / wie Berosus spricht /
vnd der exempla mehr Jacobus Sprenger parte 2. ca.
6. 7. 2c. geschriben.

Item so die Hexen ein sündschafft gegen etlichen
männern oder frauwen tragē / richten sie den ascenden
ten an / auß Krafft jres bunds / brauchen wol mancher
ley Ceremonien / wurgen / steyn / Kraut / salben 2c. thut
aber nichts / allein d̄ eingriff des teuffels ein vrsach ist /
hie schlüßet er nichts hinein / aber ein griff thut er dar /
der jhn lāmbt in nieren / wie ein fischer in das wasser
greiffet vñ ein fisch zertrucket / dz er verdirbt oder stirbt.
Also greiffet der teuffel in die lenden / erlāmbt den vrs
prung / nach wölchē auch ander Franckheyten kumen.
Solllich eingriff beschehen in alt vnd jungen / nit allein
in der gstat / wie gsagt / sond̄ auch die leberen / lungen /
miltz / nieren / hirn 2c. Machen also lebersiech / Franck /
vnsinnig / hirn wietend 2c. dan̄ spricht man sie haben Ka
gen hirn gessen / das ein superstition vnd ein freuel ist /
dan̄ das alles durch die ascendenten beschehen müß.

Dil mehr vnglaubēs treiben hie die armen weiber /
mit der männer glyd / die sie von jhn nemen / so es Gott
verhengt / vñ der teuffel sein Kunst beweyßt / die in Kósi /
wie die vogel setzen. Wie wol das etlich nit so hart ver
stond / das die glyd ganz wesentlich von dem leib geris
sen oder abgeschnitten werden / die weil schwärlich der
mensch leben möcht / auch etwan wider kumen / in auch
etwan

vnd Hexenwerck.

etwan on schmerzen beschicht / zeygend an / das alleyn
prestigiosa arte / mit verblendten / verstockten augen /
auß Zauberey beschech / da mag der teüffel die organa
vnd aderen / des gesichts vnd griffs verstricken / das der
mensch an dem ort nichts greyffen noch sehen mag / als
dan oft beschicht / vermeindt er sey seines glides ganz
beraubt / lauff im köst dort / das sunst ein gesponst der
teüffel vnd Heyen ist / werde die augē verblende / gleich
also der Zauberer d ganz ein halm anhenck / den mens
schē verblende / dz er nit anders wende / wie es ein gros
ser wyßbaum sey.

Verzaubern auch hie die man / das sie etwan keiner
anderer / dan irer / oder wem sie wollen / gwalt mögen
han / da her mancher man sein eheweib nit erkennen
mag / thut jr vrenbunst vnd neidisch hertz. Item dz dar
bey / etlich man nit von in lauffen mögen / ob sie gleich
wol des vnderstand / von dem ort an ein anders wey
chen. Noch wo sie wend / zwingen sie / das sie bald zu in
lauffen müssen / deren vil exempel seind / das mancher
in kurzer zeyt / vil wegs gelauffen ist / dan spricht man /
wie ers fressen hab / dz aber ein thorheyt ist / scheyß ers
wider / beschicht als auß der ascendenten art / so die gmit
ter der männer da hin reytzen vnd zwingen / das sie da
hin lauffen müssen 2c.

Von Bülschafft der hexen vnd Wechsel kinden.

Esterlich werden auch etlich zu Heyen / weyb vnd
man / auß fleyschlichem mit willen bewegt / das sie
den teüffel zu bülschafft hand / alt vnd jung / wie
Augustinus de ciui. dei lib. 3. ca. 2. lib. 5. ca. 23. 2c. von di
sem

Augustinus

Declaration Zauberey

sein greüwel redt / das treybt der teüfel mit ihn / nimpe
an sich ein elementischen leib / wie oben gesagt / nit vmb
lusts willen / sonder das er die natur der menschen ver-
letz an seel vñ leib. Mag auch die gmüter der menschen
darzú durch sein listigkeyt bewegen / hinderen vnd zú-
lassen / nach dem der gegensal vorhanden ist. Zerstört
dardurch natürlich lieb / so die weiber zú iren mannen
haben sollen / macht vneinigkeyt vnder in / vnd ob das
weyb gleich wol kein man / noch findet sie die anderen /
hat jr kein gnad zc. Nun ist die art diser werck / wie dan
das selb corpus vermag / an ihm selb nit natürlich / ge-
bürt nichts / dan es hat kein somen. Das ist aber war /
das der Incubus ettwan mit im bringe natürlich sper-
mata / somen / die schantlich durch die weychen / Molli-
cier vergossen werden / mag die in ihr natur behalten /
bis zú der zeyt / so ihm zebrauchen bequemlich ist. Dan
gibt sich oft / das er die Unholden schwanger macht /
vnd durch das kind gebürt / sollich kind oft der Incu-
bus ander leüten / für ihr kind / inn die wiegen legt / das
ander hinweg tregt vñ stilt / Dahár die kind Campsio-
nes / Wechsel kind genennt werden / als Gwilhelmus
Campiones
Gwilhelmus Parrisiensis de vniuerso parte vltima sagt / Dise kind /
seind vngestalt / groß beüch / Kleine glid / groß kópff /
Teüfels lydmas haben sie / vnd fünff frawen seind nit
gnüg eins zú seügen oder nern zc.

Campiones
Gwilhelmus

Ja auch ettwan betreügt d teüfel / Incubus / jung-
frawen / so man nie erkennt / macht sie schwanger / Als
dan in historijs von Merlino geschriben / der von einer
Klosterfrawen ein geschlossen / on all man geboren ist /
wie in Hartmanno Schedel Etate 6. in vita eius. Itē
Hartman.
Naucerus. Naucero vol. 2. Gen. 15. zc. beschriben ist.

Merlinus.

Hartman.
Naucerus.

Item

vnd Hexenwerck.

Item es verwandelt sich auch ettwan der Incubus Ascendent zc. in ein thier/geiß/esel/hund/ganß zc. Das ist/er schleiff in ein sollich thier vnd redt darauß/ forsmiert vor vnseren augen/wie er wil/oben in ein menschen/vnden der geiß/hund/esel zc. gleich. Dahär das sprich wort kumpt/der teüfel hat esel/geiß/hund/ganß sieß/vñ auß krafft desselbigen thiers volbringt er sein werck. Darumb bey den jungen Unholden thierformige vnd erschrockenlich figuren/eslen/geyssen vnd hunden gleich zc. geboren werden. Dise kindt bettet er auch ettwan auff dem heuweg/laubenlindē/an heimlichen orten/damit sy vor der welt nit zu schanden werden. Dan er ettwan sie behüt/nit in/sonder ihm zu güte/vor laster vnd schand/damit er lenger die welt mit ihm betriegen vnd verlegen mög.

Wie die Hexen auff Gablen/Thieren reiten vnd faren zc.

Wie sie sich nun mit den Incubis vnd Succubis vermehren/also ist ihm not/das sie zusamen kummen/das beschicht dan auff etlich zeyt/besonder auff Sambstag oder ander fest/kummen zu samen durch ihren Pedellen berüfft/an heimliche ort/wie gesagt/auff den heuweg/laubenlinden zc. wo das ist. Dise leüt setzen sich auff stecken/gablen/ettwan auff thier/wölff/geyssen/hund zc. Brauchend abermals je ceremonie darzu/salbets mit kage/hund/esel/wölff zc. schmalz/ Ja machend etwan salb auß materien/die zu schreiben vnd zu sagen scheüßlich/vñ vmb des grüwels willen zu vnderlassen seind. Noch wil ich nit für gan/damit darauß gehalten vnd inquiriert/das sollicher

C ij greüwel

Declaration Zauberey

Hebammen

gräuwel abgestelt / an dem die bösen Hebammen das aller schedlichst mittel seind / die nit minder die empfangnüß der Kinder / wann die geburt verhindernen / auch abortum / mißlingung der Kinder vnd frauen procurierē / es sey durch natur / Kreüter / steyn ꝛc. oder Zauberey / so sie die Kindlin von mütterleyb empfahen / erwirgen sie oft die Kind / geben in trück ins hirn ꝛc. das sie sterben / opfferents dan dem teüfel auff / wie Jacobus Sprenger parte 2. ca. 13. sagt.

Sprengerus

Oder so der teüfel sunst die Kindlin stilt / die wechselsbelg hindar setzt / dise nemend sie vnd siedend sie in keßlen / vnd das fett so dar von kumpt / brauchend sie zu der salb / das sie an die gabeln streichen / wie wol das nichts zu dem faren thut / noch seind sie des verwöndt / dan die ascendente fieren sie zu samen durch die lufft / faren dan zum rauchloch / camin auß / ist gleich ein faren / als so ein grosser wind kumpt / hebt die feder von der erden auff / fiert sie in die höche / treibts vor im an / bis da hin / da er auff hört wähen / Also die geyst mit lufft vñ wind blasen die Hexen fort auff den gabeln / thieren ꝛc. bis sie kumend an das ort / da sie den heimgarten haben wend / Da sehen sie nichts / empfindē wol / gehören auch nit reden / dan als vil der vertrag vermag / die weil der geyst nit menschliche stim hören wil / sehen auch nit hinder sich / wo das / wurden aussertzig von der vngestime des luffts / so auff sie gadt / das der Sathan nit haben wil / so er jr noch weither zu zauberey bedarff.

Beschicht auch oft das der teüfel frum / vnd ettwan schlaffenden hin vnd här auff den tächern / vnd inn den lufften fiert / on ihr verlegen / dieweil sie der mensch nit nennt / Dan bald der teüfel die stim des menschen hört / laßt er sie fallen.

Von

vnd Hexenwerck. Von dem Wütisch hör.

Zu schlaff
gon.

S Jeweil wir verstanden was auff gabeln/ stecken/
thieren zc. faren sey / vnd wie das beschehen mag.
Nun laßt vns declarieren / was da sey das Wüt
tisch hör/ das ist ein versamlung aller/ oder viler Hexen/
Vnholden/ Dengsten/ Zauberern zc. die zü samen kün
men inn ein radt/ ihr gschafft zü handeln/ richtend auß/
was sie in ihren heüßern nit mögen zü wegen bringen/
zü capitulieren/ zü vnderrichten/ zü conspirieren/ zü ler
nen/ zü vertragen / ein zü schreiben/ zü bezeichnen/ zü
hulden/ glübtuß geben/ vnd was jr bindtuß inhalt/
auff zerichten/ ein anderen zü beuelhen/ was vnrats sie
stiftē wöllen/ auch was ein jetlichs für sich selbs außze
richtē hab/ vñ also jr laster vñ hexenwerck volendend.

Weyter ist zü verston/ dweil die Zauberer vnd Hex
en mit den Incubis vnd Succubis/ ober vnd vnder
Ascendenten zü handeln haben/ dz auch ettlich schwan
ger werden. Nun ist das sie in jren heüßern jr gschafft
nit mögen außrichtē/ so vil not begert/ darumb erdenz
cken sie das (wie ein jungkfraw die schwanger ist / die
jr geburt verbergen wil/ zeücht in ein bad bis die ding
für kumen) mit dem Wütisch hör / kumend all zü samen
von allen Nationen/ siert sy der teüfel vber stand vnd
stock/ döffer/ Stätt/ land/ leüt/ berg vnd tal/ mit greü
lichem geschrey/ erschrockenlichem greüwel / fart in der
Ascendens/ teüfel vor vñ nach/ bis sie kumend auff den
platz/ den sie verordnet hand/ da gnesend sie jrer Kinder
Kinderbetten vnd richten all jr handlung auß.

Wiewol von dem faren wenig zweifel ist/ noch dan
ist ein anderer fal/ darin die weyber betrogen werden.

C. iij. Dan

Declaratio[n] Zaubererey

Dañ offit sich begibt/das ein Hex von irem Ascendens
ten zu farn begert/dieweil aber nit platz/ oder cōuoca-
tion zu der selben zeyt vorhanden ist/verstopfft der As-
cendent der hexen schleüff/hefft jr organa auff/sencket
ein tieffen schlaff in sie/laßt jr das faren / nach irem bes-
gern/im traum auffgon/das sie nit anders wöndt/dañ
sie far dahin/zablet/schreyt vnd wiet/wie sie inn aller
freüß der Hexen sey. Noch mag hie niemants darwi-
der ston/das die Hexen nit mit leib vnd gschefft durch
die lüfft auß faren! dañ das Gott verhengt vnd natur
vermag/auch in der gschrift beschehē ist. Christus ließ
sich den Sathan auff den vmbgang des Tempels tra-
gen. Nit minder schicket Gott ein Engel der Abacuck
auß Juda in Babyloniam fürt.

Matth. 4
Danielis 14

Wie sich die Hexen in thier verközen.

Nach volgt ein wunder durch Hexen bekānt / das
die Unholden/ Hexen/ werden inn thier/ Katzen/
wölff/böck/geyssen/hund/genß/vögel zc. verkör.
Da haben sie abermals ceremonien/salben vnd sägen/
als obs durch jr kunst beschehen müß / haben zu jedem
thier ein sunder tranck / salb / sägen zc. darin sie nach-
mals betrogen seind. Dann die Ascendentes/geyster/
müssend das ohn als mittel thün. Wie ein hafner auß
ein leym ein Krüg / ein Kachel oder ander geschirz / vnd
wider zerbrochen machen mag / also ist dem geyst vnd
der Hexen. Der geist ist der meister/die Hex der leym/
vnd auff sollich weys / wirt auß der Hexen ein Katz/
wölff/geiß zc. vnd wirt da der person nichts genommen/
noch hinzü gesetzt. Sonder wie der leym in die/dañ in
ein andere form geknettet wirt/also beschicht auch das/
seind

vnd Hexenwerck.

seind ding den geistern möglich vnd bekant. Beschicht auch darumb / das die Hexen werden den leuten vnbe-
kannnt / dardurch sie der welt mer schaden mögen. Dan
die Katzen kletten auff dem tuch / kriechen in die heüser /
mögen in die stuben / Kameron kumen on verhaß / da
stelen / zaubern / die Kinder verletzen / die wölff dem
viech treffenlichen schaden. Dan niemants hat darauff
acht / das sollen Hexen sein. Vnd so ein Hex / Vnhold /
in ein sollich thier verwandelt wirt / so hat sie auch des
selbigen thiers art / stercke vnd krafft / vnd mer darzu /
diuweyl jr der Ascendent darin beholffen ist / vnd so sie
inn disen formen geschlagen / als oft beschicht / werden
die selben streych vnd wunden in der hexen leyb erfunden /
so sie wider inn ihr alt wesen kumpt / wie sie die empfangen.
Darvon Jacobus vil exempel setz. parte 2. ca. 9. Weyter harnach 2c.

Sprengerus

Menschen in thier verenderen.

Süg hand wir gehört / wie die Hexen inn thier
verenderet werden. Weyter ist vns fragens not /
ob die Hexen durch die Ascendentē andere mens-
schen in thier verwandlen mögen. Darvon Augustin.
de ciui. dei lib. 18. ca. 17. 18. schreybt. Wiewol ich bey di-
ser frag / Ein endliche declaration / conclusion stellen
wil / dem leser sein vnteyl beuelhen / dieweil ich zwü opi-
niones hie betadlet sind. Von erst / das die menschen /
so sie ettwan den thieren gleich verwöndt / allein vene-
fice / prestigiose / verblentlich / nit wesenlich in thier ver-
wandlet werden / wie bey Machario beschehē / dem ein
fraw zu geschickt / do die fraw / auch alles volck nit an-
ders verwöndt / dan sie wär ein ross / Macharius aber
auf

Augustinus

Macharius

Declaration Zauberey

Wacharius.

auff gnaden nit verzaubert noch verblent / die frawen / wie sie was in irer art vnd natur erkant. Da verblent vnd verstrickt der Sathan Collulas vnd Organa der augen / vnd gestaltet das obiectum / gegenwurff / dem thier vñ rosse gleich / darbey der mensch nit anders verwondt / es sey das / wie das obiectum das gesicht empfacht / so von aussen hinein empfangen wirt. Ist hie alles ein betrug / der allein am gsicht vnd griff verfolgt / vnd nit an der person / wie oben von des manns glider beschriben ist. Dise frawen / Wacharius durch sein gebett von der heyerey erlöset.

De animis.

Also Gott auch den König Nabuchodonosor in ein thier gemacht / als Daniel geschriben hat.

Dantels 4

Von dem anderen ist oft vñ vil arguiert / das auch die verenderung essentialiter / wesentlich beschehē mög / dweil das natur vermag / vnd alles / so natürlich / dem teüfel möglich ist / ja wo das Gott verhengt. Nun vermag die natur durch lange zeit das auß ein corpus ein anders wirt. Daher ist continua alteratio in ein jeden leyb / menschen vñ vñ vñ / da wirt allweg der mensch geartet nach der speiß / die er niessen ist / neüßt er allweg fisch / so wirt sein natur kalt / wie der fischen ist. Item allweg grob schweine fleysch / wirt schweine die natur vnd grober art / das wir bey den paurn erfahren / darüb sie auch so rülzet vnd schweine seind. Also widerumb die / so sich reiner / subtiler / adenlicher speyß gebrauchen / werden adenlich / subtil / hohes verstands / grosser vernunft. Darumb auch Aristoteles spricht / Molles carne aptos mente dicimus / Die reynere natur / geschickte des gemüts sagen wir. Item neüßt er gift / wirt sein natur vnd alles gift / wie Aristoteles 3. Physicorum. Vnd

vnd Hexenwertk.

Vnd im tractat so ad Alexādrum Magnū geschriben
hat/vnnd wo die ein natur verzört/wachst ein andere
bald an statt / ist generatio vnus corruptio alterius.
2. Metaphy. 2c. Nun ist auch aller elementen ein ma-
tery/vnd der selben cōiunction/ primo de gener. et cor-
rupt. Dahār eins auß dem anderen werden mag/das
durch ordnung der natur vn lauff der zeit/als Plinius
lib. 7. cap. 4. natur. histor. schreybt/ das auß ein weyb
ein mann worden sey 2c. Was nun die natur vermag
durch lange zeyt vnd ihrer lauff/ das vermag der Sa-
than in kurtzer zeit/dan er die natur fürderer mag/da-
mit dz gschefft bald volzogen wirt/dahār er bald (wie
Moses auß Gottes krafft) recht natürlich fröschen zu
wegen bracht. Nie gebend ettlich zu/ das der teüfel al-
lein animalia reptilia / puluerina 2c. Kriechende thier/
so nit allweg mit rechtem somen / sonder ex putredine/
vnflut wachsen / als alles vnzyfer / gwürm 2c. machen
mög/vnd nit solliche thier verenderen/ das niemands
widerfechten mag noch wil. Dan Aristoteles spricht/
Gaudeant Alchamiste/quoniam species rerum trans-
mutare non possunt 2c. Der teüfel noch Zauberer mö-
gen species/eygen gestalten nit alterieren/ dz ein mensch
nit ein mensch sey/vnd menschliche art / vernunfft vnd
natur verlier. Der gleych mit anderen thieren/so per-
fecto semine/volkunnen somen geborē werden. Das
vermag aber natur / so ein materi ist/ vnd einer form/
das die selb materiy in potentia jez ist zu einer anderen
form / da die natur nit jrzt/ ob gleych ein form der an-
deren volgt. Idem de gener. et corrupt. li. 1. 2c.

Es stand mit den animalibus reptilibus in seinem
werd / noch hand die Zauberer das wasser in blüt / den

D stab

Plinius.

Exodi 7. 8.

Declaracion Zauberey

Exemplum

stab in schlangen verkört / da her beschlossen / das sie die fromē / mediente materia / enderen / darauß wol gefochten / das sie auch menschen vud thier alterieren mögen / manēte specie humana / bleibt dennocht der mensch ein mensch / wie wol er anders organisiert vñ gestaltet ist / exemplum. Etwan gibt sich dz natur in der empfangnis jrzt / dz ein gestalt geborē wirt / mit selzamer form / etwan eins das nichts gesicht / das ander nichts gehört noch redt / mit vier füßen / zwey köpffen zc. Noch ist ein mensch / obs gleich wenig menschlicher gestalt noch forme hat / der maß nit minder der Sathan dz corpus des menschen in ein ander form verenderen mag. Also Helena dem kind ein ander form gegeben hat / wie Herodotus lib. 6. schreibt / doch bleibt allweg die seel vñnd materi in irem werd vnuerlegt. Der mensch ist compositum ex anima rationali et corpore / dz auch der transmutatus bleibt / ist nit glegen das er bypes zc. sufficit habere corpus et animam zc.

Herodotus

Diodorus
Protheus

Wie das alles beschehen / wil ich dem physico vñnd lesfer zu erkennen geben / vñnd was von söllichen beschrieben / kurzlich erzellē. Diodorus Siculus lib. 2. schreibt / Das Protheus künig in Egypto / hab kunst gehebt / sich selbs in ein ander form / jertz thier / fowz / baum zc. verenderen.

Also haben sich auch etlich Götter in thier / vögel / wölff zc. verenderet / wie Traclerus vol. 1. Gene. 24. haben wil zc.

Boetius
Vergilius
Ovidius
Hartman.

Der gleych Circes die göttin on zal in thier / wölff / esel / böck zc. verkört / als Boetius de consulatu lib. 4. metro 3. Vergilius 7. Eneades 1. Ouidius 14. de transformatis. Hartmanus Schedel etate 3. erzelt. Itē die gsellem

vnd Hexenwerck.

gsellē Diomedis in vögel verkört / Augustinus de ciuitate dei li. 18. ca. 17. 18. Plinius natu. hist. li. 10. ca. 44. 2c.

Von sölllicher mutation Pogius Florentinus vom Lucianischen esel. Jre Bapt. Fulgo. lib. 8. ca. 12. on zal beschriben hand. Gwilhelmus Parisiensis von einem thoren schreibt / wie er sich selbs vwendt / dz er ein wolff / d auch on vnderlaß im feld gelauffen sey / biß er zü letst im wald schlaffende verzückt / vnnnd von fründen seiner thoreheit überwunden.

Also von ein anderen beredt / der nit anders vermeindt / er were ein gansß / vnnnd vier jar mit den schnee gänsen geflogen.

Von Milch stelen der Hexen.

SAmit jr auch der ascendenten störcke erkennen / so wissen hie mit / das die Hexen auß den küncklen / ayen / näglen 2c. milch melchē. Nit das sie auß der künckel / aye / nagel 2c. gemolchen werd / müß allein da her künmen / das sie natürlich ist / auß der kü / wie wol / er sie erwan bringt / wasser für milch reycht / auß dē volgt / das die geyster die milch stelen / von den künen im stall / auch erwan den seügenden frauwen thünd. Das solt jr also verstan / die Hexen vermögens nit / aber auß dem vertrag / so sie mit den geysteren hand / melchen die geyst die küe / tragen vnnnd fieren die milch im luft biß an das ort / da sie die Hex haben wil / dan streycht sie die künckel / ay / nagel 2c. ab / vnnnd geüßt der teüfel die milch in das geschürz / das alles vnsichtbarlich beschicht. Noch vermeynd die Hex / die milch rinne durch die künckel / ay / nagel 2c. auß / so mag auch der geyst die milch wol verdecken / das sie nit gesehen wirt /

D ij vmb

Augustinus
Plinius
Pogius
Fulgosus
Gwilhelmus

Declaracion Zaubererey

Sprengerus

umbwolcket/umbziecht das geschürz/wie wir ein ding
umbziehen / das nit gesehen werd / vnd ist dises werck
nit eigentlich ein melchen / sonder auß giessen. Daruon
Jacobum Sprengerum parte 2. ca. 14. besehen magst.

Wie der Teüfel durch Zauberer / He-
xen ic. weyß vnd warheyt sagt. Was auch vom er-
scheinen der Geyster ic. zu halten sey ic.

2. Reg. 18.

Hyter ist auch bekant / das ettwan die Hexen
sichtbarliche gespöñst auff erden bringen / dar-
durch künfftigs zu sagen fürgenummen hand. Als
die hex oder Phytouissa mit Saul gethon / der vil der
Hexen zu seiner zeyt erwürgt. Zulest (diweyl er vn-
gehorsam vom Herrn wick) in das laster gefallen ist /
da im Keyn gesicht mer von Gott dem Herren gedihet
mocht / cylet er der Hexe zu / das sie im Samuelem er-
wecken wölt / des sich die Hex befliß / bracht ihm ein ges-
sicht / als obs Samuel selber wär / der text in auch also
nennt / diweil sie beyde nit anders vermeindt / dann es
wäre Samuel / doch nur der teüfel was. Daruon Jose-
phus vil klarer li. 6. ca. 14. Antiqui. geschriben.

Josephus.

Castor.
Pollux.
Valerius.
Lactantius.
Lucius Florus
Plutarchus

Alles / so der maß / on sunder Gottes beuelch / auff er-
den erscheindt / weyß vnd warheyt sagen wil / ein ges-
spöñst vom teüfel ist. Vil finden wir das gsicht auff er-
den erschinen ist / als obs heyligen seyen / wie Castor vñ
Pollux den Römern erschinen / weyß gesagt / als Va-
lerius Maximus li. 1. ca. 8. Lactantius de Erroris ori-
gine. Lucius Florus Epithomate 2. Plutarchus in
vita Marci Coroliani ic. geschriben.

Herodotus.

Helena die göttin der seügamen erschinen / das kind
vonder vnform erlöst. Herodotus li. 6.

Item.

vnd Hexenwerck.

Item etlich simulachra/gözen habē für die Griechen gestritten/gefochtē/Plutarchus in vita Themistoclis.

plutarchus
Sulgo

Von söllichem erscheinen haben wir in Bapt. Sulgo so lib. 1. ca. 6. 2c. on zal erzelt 2c.

Das alles gespöñst von teüffel erdacht/dan kein seel auff erden erscheindt/die säligen vnd verdampren/wie sie auß disem zeyt abgescheyden. Also bleibē sie/die weil an keynem ort keyn außgang ist. Der Prediger also spricht / Der mensch fart da hin / da er ewig bleiben wirt. Wie wol etlich erscheinen / wie sie auff erden gelebt/noch ist's nur des selbigen ascendente oder teüffels gespöñst / als Origenes super Esaiam Omelia 7. ca. 8. bezeügt.

Eccle. xii

Origenes

Das aber die Hexē/Wengst/Zauberer 2c. durch den teüffel weyß vnd warheyt/auch künfftigs sagen/wie das geschicht Saul gethon / ist nit ein wunder/dan der teüffel besigurt sich oft in ein engel des liechts / sage künfftig vnd die warheit/aber nit der warheit/sonder im zü güet. Als do er sprach/Christus were Gottes sun/das er nit von im quellen wurde / Matth. 8. Marci 5. Luce 4. Also der Priester Pharaonis die warheit von Mose redt/wie Josephus lib. 2. ca. 9. antiquit. schreibt.

2 Corin. xii

Josephus

Die warheyt redt der teüffel zü menger zeyt / da mit die/so d warheyt nit glaubē wendt/Gott mehr vletzen/vnd sein gwin gemeret werd/zeücht auch vil durch falsche wunder der warheit ab / da mit die welt betrogen werd / als dem Babst Leoni v beschehen ist/wie von im gesagt/der zü dem teüffel in dē besessen sprach/ Bin ich warer Vicarius Christi/so far teüffel auß/bald für der teüffel auß / da mit er in vnd sein gfind betrug/das er warer Vicarius Christi wer / das doch nit ist.

Leo / sed non
de tribu Ius
da 2c.

D. iij. Der

Declaration Zauberey

Liuius
Valerius

Der Zauberer Nauius Tarquinius Priscum betrog / da er ein stein wie holtz zerschneidt / da mit er ihn zu irthumb des vogel gsangs bringen möcht / Liuius deca. 1. lib. 1. Valerius lib. 1. ca. 4. 2c.

Eusebius

De oraculis

Cicero

Herodotus

Wan nun der teuffel mit Zauberern / Hengsten / Heven 2c. von künfftigem redt / hats keyn anderen grund / dan das er alt erfare aller natürlichen künsten ist / dar auß nemen mag / was künfftig beschehen sol / so erwan mehr beschehen ist / als der Astronomus den lauff des himels / der Arzter die gsundheit des menschen künfftig sagt. Also auch mit Saul gut wissen tragen / die weil er David zum künig gesalbet / vnd das groß hör der Phylister im feld wider in gelegert / ein vnghorsame / vnordnung in seinē volck gesehen hat / da her d Sathan Saul leichtlich sein verderben (die weil er vnghorsam) erzellen vñ weyßsagē / dz er von im selbs / on dise mittel / zu wissen künfftig nit vermocht / Noch ist keyn gründlicher nachtruck da / allweg ein betrug darin / als Eusebius lib. 5. ca. 16. 17. Eccle. histor. spricht. Der abgott in Antiochia vil weyßsagt / dz alles erlogen was. Idē lib. 9. ca. 3. 2c. Wie nun d teuffel auß den oraculis von künfftigem geredt / hat er allweg darin betrogen / keyn entlichen bericht nie gsagt / als Cicero de oraculo Delphico li. 2. De diuinationibus spricht / Ich sag Romanos überwinden Troianos. Da was ein antwort / die ein frag auff die ander weyßt / vñd kein gwisses darin gezeygt / die weil auch das widertheyl darin erfunden wirt / so er sprechen mag / Ich sag Troianos überwinden Romanos / ist gleich eins wie dz ander zu verstan. söllich falsch Drackel / Prophecey hat rey Persarū Cre ses vom abgott empfangen / als Herodotus lib. 1. 5. 6. Plutarchus

vnd Hexenwerck.

Plutarchus an vil ortē / Diodorus Siculus lib. 5. Trip.
hstor. lib. 1. ca. 7. li. 6. ca. 43. li. 7. ca. 35. Sabellius En-
nea 3. lib. 2. Bapt. Fulg. li. 8. ca. 11. Naclerus vol. 1. Ge-
ne. 24. 2c. geschriben. Wie das alles beschehen vñ vol-
bracht / ist nichts / als Lactantius de erroris Origene
sagt / dan̄ das darin der teüffel betriegē / oder betrogen
werden wil / auch die abgetretne in irer irthumb / so die
liebe der warheyt verworffen vnd nit angenommen / als
Saul beschehen / da her wir dem teüffel vnd seinem an-
hang in keine dingē glaubē sollen / die weil er ein vatter
der lugi / so wil er vns auch da mit betriegen / wie Eva
beschehen ist.

Plutarchus
Diodorus
Sabellius
Fulgosus
Naclerus
Lactantius

Joan. 8
Gene. 3

Dar bey sol wol bedacht / auch die werck vnder schey-
det / das wir die weyßsagungen wol vnd recht probie-
ren / dan̄ oft Gott durch den menschen künfftigs / als
Edab / Medab. Itē Sybillē gesagt / nit minder durch
Caypham weyßgesagt / da her seind nit all Propheten
Gottes kind / braucht sie Gott als ein instrument / wie
Saul / Balaam 2c. von sollichen Bapt. Fulgo. lib. 8. ca.
11. geschriben.

Numeri 11
Joan. 11

Fulgosus

Das ist gewiß vnd war / das niemants weyß künff-
tigs sagen mag / dan̄ der eynig Gott / vnd wem ers im
geyst besilcht. Ob nun die Hengst / Heye / Zauberer 2c.
vil von künfftigē schwergen / ist als ein betrug / ob sie es
gleich wol erhaten hand / dan̄ alles auß dem teüffel be-
schicht / der entlich kein warheit sagen / dan̄ allein wo er
des gniessen mag.

Oft beschicht / dz die / so krank seind / oder etwas ver-
loren hand / zu den Hengsten / Heye / Zauberer 2c. lauf-
fen / hilff vnd radt bey im suchen / darin sie betrogē / auch
nit geholffen wirt. Ahab zu dē abgott in Akrō schickt /
darumb er sterben müßt / Josephus lib. 9. ca. 2. 2c.

4 Reg. 1
Josephus

Declaration Zaubererey

Esate 45

Allein sollen wir Gott vmb künfftigeding fragen/
die creaturē/abgött/teüffel 2c. rüwen lon/ so aller ding
kein wissen hand/ist auch hoch von Gott / Deut. 13.17.
2 Para. 28.2c. vnd dem Keyser/ C. de maleficis mathes
maticis L. nullus auruspex 2c. verboten.

Was solds jertz die haben werdē/ so zü den Hengsten/
Zauberern 2c. lauffen / gesundheyt zü erlangen / dieb/
stal 2c. zü erfahren / werden sie in Gottes straff wol ge/
war/zü dem/das sie betrogen werden.

Der teüffel laßt sein tück hie nit/ ja offft zeygt er dem
Zauberer/ Hengst/ Heyen 2c. den vnschuldigen an/ da
mit der Richter betrogen/ vnd dem frummen leyds ge/
schech/ als ich selbs erfahren hab. Ja der Hengst/ Zaube
rer/ Hey 2c. frum ehlich leüt in fragen angegeben/ die
vnschuldig vor Gott vñ welt hernach erfunden seind/
das alles auß neyd vnd haß beschehen ist.

Zaubererey mit Zaubererey vertiben.

Hiebewardec euch jr Richter wol/ da mit niemäts
in vnschuld vmb neyd vnd haß verurtheilt werd/
die sach solt jr mit ernst erfarn/ nit ein jedē grüch
vnd erdachtem limbden glaubē/ der argwon sol ganz
offensein. Probierens obs auß der warheit/ luyv/nyd/
haß 2c. beschech. Weger istz zehen schuldig lassen/ dan
ein vnschuldigen marteren.

Vnd ob sich mit warheit erfunden / das ein Hey/
Hengst/ Zauberer 2c. diser that schuldig/ vnd mit recht
züm tod verurteylt würd/ dan stond in fragen vnd ge/
richt der thorechten / mißgleübigen articklen ab / so sie
gefangen / das jr sie nit wöllen auff den boden lon / in
züber werffen / dz har abscherē/ auff Karren züm griche
für en/

vnd Hexenwerck.

keren/vnd was der aberglauben seind/ die ich all selbs
gesehen vñ erfare hab/ ja eben vmb des aberglaubens
willen jhr sie tödten/richten jr den selben auff/so witzig
geüch seind dise leüt. Wie auch Saul gethō/ vngrechts
mit vngrechtē mögen jr nir vertädigē/dreck mit dreck Job 18
last sich nit vertrechē/ d hauff wirt nun groß dar von.
Also zauberey last sich Christenlich mit zauberey nit
vertriben/wir sollen nit böses thun/ das güts hernach
tun/handlend wie Christenlichen Regenten zimpt/so
wirt eüch der teüffel nichts geschaden. Wo jr aber in die
sem misstrüwē verharrend vñ bestand/wirt eüch in der
flucht begegnen das jr geflohen hand / dan der teüffel
des füg vnd gwalte hat/trug mit trug zu bezalen/ das
erwan die Hexen auß eüweren handen reyßt/ vñ sie in
die küffte siert / von eüwer hand errett/ macht alles der
vnglaub/so jr in disem handel hand.

Ganzthorlich ist auch hie der Hencker/nachrichtere
verwöndt/so die arme leüt mit seinem gesponst vnd se-
gen zu der vergycht zwingen wil/schüt d person Osters
tauff vnd sant Johans seggen ein ic. Da sche die Obers
teyt zu/dan gewißlich dise leüt in dem handel kein con-
sciens noch wissen hand / ist also als jr thun vnd lassen
nur auff die marter geneygt.

So bald jr/ spricht D. Johānes Nider / auß gwalt Joannes Ni
der ordenlichen Oberteyt / der auß Gott dem Herren der
ist / falt aller Hexischer gwalt von jm. Wo jr aber auß
Gott nit bestand/zweyflend vñ fürchtend eüch an disem
werck/hüchabend am glauben Gottes/wirt eüch/ wie
dem/so er ein exēpel gibt/beschehe. Der Richter schick Exempel
seine knecht ein Zauberer anzunemen/der ließ ein vnlei-
denlichen stanck von jm/das sie in nit möchtē greyffen/
L macht

Declaracion Zauberey

macht jr vngleübig vnd verzagtes hertz/da straffe der Richter seine knecht vñ sprach/jr Kleines hertzen/gand hin/als knecht der gerechtigkeit/ die dem bösen straffen sol/bald fiengen die knecht den armen man.

Von Hexen schlagen.

EIn and zauberey/vonden verletzten von Hexen/getriben wirt/süchend eben das/so die Hexen verlore hand/richtend selzame bäder an/vñnd hencfend melchübel/gelten/eimer zc.über das feur/so in die milch genumen ist/schlahen mit stecken dran/vñnd so sie sanst verlegt/geschossen zc. dan legends ein vnsuber thuch auff den tisch/stechen mit messern drin. Item stellend gebört wachs in des verletzten figur auff den tisch/stechend vñnd schlahend gleycher weyß darin. Vñnd der onzal/vermeinende dar mit die Hexen zc. stehen vñnd schlahen/als dan oft beschicht/dan die teuffel wider ein ander seind. Vñnd der ascendet die streych/tragts auff die/so vor durch iren ascendenten verlegt vñnd verzauberet hat. Item nemend erwan die bruch des mans/hencfends der kü an hals/so die milch gestollen/bald laufft die kü in der Hexen hauß/darauff das übel beschehen ist/deren exempel Sprengerus parte 2. ca.1. in 2. principali onzal erzelt zc.

Sprengerus

Zauberey mit Sägen zc. vertreiben.

Vñnder seind/die zauberey mit Sägen/weyßwasser/saltz/krant/wortē/deüten/gloggenleüten vñnd anderen Ceremonien vertreiben wollen/geben den sonderliche krafft zu/das die den anderen obliegen mägen/auch mit natürlichen krefftē/kräuteren/steynen zc.

vnd Hexenwerck.

steynen zc. als müßörlin/far/eysenkrut/holden/ruten/
buggelen/corallen zc. ziehend dar bey vrsach an/das je
dem kraut/steyn zc. ein sonderer ascendent gegeben sey/
die dan kein zauberey leyden wollen noch mögen/auch
über der Hexen ascendenten stercker seyen/vñ vil mehr
experimenten/die vmb der thoreheit willen nit zū schrei
ben seind. Tobias dz gesponst von Sara mit der leber
auff der glüt vertrib/dar vñ Petrus de Langelata me-
dicum de maleficiatis li. 5. tracta. 18. ca. 8. besehe magst.

Tobie 6. 7
Langelata

Item etlich figuren an/so sie auff ziegelsteyn gemacht/
vnd gegem wetter gericht/die treiben dz wetter zū ruck/
vñ so sie auch auff die angriff gelegt/werd der schad ge
heylt/vrsach/das ein starcker ascendent/die figur bez
deut/zū gegen sey/der den anderē vertrib/also werden
auch die Hexen/so in Katzen/wölffen/böcken zc. ver
tört/geschlagen/gefangen vnd getödt.

Nit minder vnderstat sich dz thorecht volck die wet
ter/hagel/reysen zc. mit creützen auff wegstrassen ge
stöckt. Item weychkraut/palmen zc. zū vertreibē/als
ob der teuffel das hülze creütz enstiz/vnd der geruch
vom weyherut/palmen zc. nit riechen mög/das alles
ein thoreheit ist.

Wie die Hexen erkent werden.

Sie Zauberer/Hexen/Wengst zc. erkennen wir an
sren wercken/leben vñ wandel/dise richte jr thun
vnd lassen auff eygen nutz/vnfrid vñ zweytracht
zū machen/dan jr ascendent ein seygend des frids vnd
liebe ist/schlahend jr augen vnd in die winckel/die wey
ber fliehend die man/Enabē die meytlin zc. dan die Jus
cubi vnd Succubi das nit lyden wend/gleich wie ein

z ij angeborner

Declaration Zauberey

angebomer eyfer ist / das keiner geduldet sein lieb ein-
anderen teylhafft zü werden. Also vil weniger der In-
cubus/Succubus leiden wil / vnd ob schon die weyber-
den mañen vermehlet werde / noch gadt jr lieb nit von
herzen / werffen die mañ über den satel auß / seind nid-
bar vnd vnlydenlich gegen jren mañ vnd allen mens-
chen / vnd se Keüschet / je stiller / je abgefündeter sie ge-
halten / je ehe sie der Hexen werck zü fallen da her zü be-
sorgen / dz des vngzeifers vil in den Klöstern sey / ja von
mañ vnd weib. Item vntrüw gegen jren eygnen Kin-
dern / vnfrüntlich / vnredtbar gegen dem haufgeseind /
vnd bereyt sie auch der teüffel dahin / das sie vngestalt /
vnformig auch rüchtloß werden / auff das sie den mañ
erleyden / macht in etwan die nass / mund / oren / händ /
füß / stirnen 2c. als ob er in den Krysem außschneid / oder
sunst lam / krum / die augen lez. Ja auch nit allein sie /
sonder jre kind bezeychnet werden / dz man bey den Kin-
den die müteren erkennen mag.

Durch was mittel zauberey zü ver-
hüten / vnd wem die schaden bringen mög.

Joan. 5.
Eccle. 28.

Lactantius:
Tertulianus:
Athanasius:
Sprengerus:

Es sey nun an der Hexen werck vn Zauberey was
es wöll / gleych groß od klein / so mag es dem / so im
glauben befelset / nichts geschadē. Dan alles so auß
Hexerey vnd teüffel beschicht / allein der vnglaub ein
vrsach ist / dem zü straff Gottes dises verhegt / dar von
Lactantium de erroris Origine lib. 2. ca. 16. Tertulianū
aduersus gētes ca. 23. Athanasium in diuersis questio-
nibus quest. 13. Item Jacobum Sprengerum parte 2.
in exemplis besehen mögt.

Darumb zü verhüten / abzuleynen vnd außzereüen
föllich

vnd Hexenwerck.

föllich zauberey/das wir Gott vnd Christum Jesum
mit ernst suchen/vmb den glauben bitten/das vns we
der gespöñst/teuffel/Hex/Hagel/wind/schnee/ryff zc.
vñ nichts geschaden mög. Laßt vns von erst das reych
Gottes suchē/dan wirt vns alle ding zū geworffen/vñ
darnach der liebe pflegen/so Gott von vns haben wil/
da her auch die mañ ire weyber liebē sollen/widerumb
die weyber ire mañ/vnd den ghorſam sein/dz die grōst
argney wider dises werck der Hexen ist/dise beyde ire
Kind in gottes forcht auffziehē/die heylig gschriffte glau
ben/liebe vnd arbeiten leeren/nit lassen müſſig gan/be
sonder wo sie melancolisch seind/dan die miessigē fecht
ten dise laster an. Item die Kind mit züchtē straffen/er
lich halten/lassen in allem anligen beholffen/nit grīm
noch schamper gegen jnen sein/den bogen nit überspan
nen/zimlich freud/erwan zū reyen springē/singen/zim
lich tanzen lassen/Comedias vnd der music spilen/sey
renspil treibē/das auch den teuffel von Saul verjagt/
also d r auch das gespöñst von Sara trib/vñ der gleich
freud treiben/alles mit zucht vñ erbarkeit/auff das sie
in fölliche phantasterey nit verursacht werde. Dan bes
ser ist das/wan in ein föllich args vnd übeln fallen/Ari
stoteles sagt/das fölliche freud spil dem menschen von
nöten sey/4.8. Politicorum/so ist auch vnder zwey bö
sen eins zū erwöllen. 5 Ethicorum/Wie wol die ding
alle/so sie in bescheydenheit volzogen/mit Gott vnd
ehren beschehen mögen/wil ich dar bey laster vnd vn
zimlich rasen/jolen zc. nit auffrichtē/sonder die erbar
keyt lassen richter sein/alleyn traurigkeyt von disen
schwermütigen leuten nemen/die nit die kleinste vrsach
dises lasters ist. So bringt auch traurigkeyt den tod vñ
L ij verderben

Ephe. 6

Matth. 6

Luce 12.

Ephe. 5

8 Politicorum

1 Reg. 16

Tobie 6

Aristoteles

Declaracion Zaubererey

verderben leybs vnnnd lebens/wie die schab dem Kleyd/
also traurigk eyt dem hertzen schatt.

Eccle. 14. 30
Proverb. 25

Es mögen auch etwan leüt nit leyde/dz sie vor freüd
erhalten/vñ eingeschlossen seyen/wo in freüd geweret/
wirt böfers drauß/ 8 Herz schlacht auch zimliche freüd
nit ab/daer spricht/ Ich wil dich o Jungkfraw Israhel
erbauwē/ dein trumē müst auff ziehen/die seiten span
nen/vnd her für zū dem reyen vñ Kurtzweylen treten/
da ist freüd ein sägen/traurē ein straff/ der Weyse von
den weysen männern also redt. Weysered findt man in
irem bericht/ sie haben die süsse vnnnd liebliche der music
nach trachtet/vñ die liebliche gedicht her für bracht zc.
da gnüg bezeügt / dz die weysen auch der freüde spilen/
da mit traurigk eyt von in genumē werd.

Hiere. 32

Eccle. 44

Es sollen auch die älter ire kind von der ehe nit lang
vorhalten / da mit fleyschlicher glust / die kind zū disem
laster nit ziehen werd.

Mit ernst solt ihr eüwere kind vor böser gseltschafft
wol bewarn/besonder vor verlümbdetē man vñ weib/
da mit sie erlich behüt vnd erzogen werden.

Eccle. 27

Wie nun etlich auß traurigk eit/Klein müte zc. in di
se laster gezogen/also ander vmb armüt willen betrogen
werdē. Darumb die Oberkeit ein getreüwes auff sehen
auff die armen/bekümmerte hertzen habē sol/den reych
lich beholffen sein / früntlich ansprechen / auch andere
menschen in getrüwer liebe bey stan / da mit dise leüt
vor disem jamer vñ ellend erhaltē / auch entlediget wer
den/vil vngemachs auß armüt erwachst / dan armüt/
spricht Agisippus/lib. 5. ca. 18. alle erbarkeyt emblöst/
vnd scham auffricht/die armen sollen wir für sehen / die
nit trutzen noch betrieben / als wir von Agrippa/ wie
Josephus

Agisippus
Eccle. 4

vnd Hexenwerck.

Josephus lib. 18. ca. 12. Antiqui. vnd Fulgosus lib. 4. ca. 4. 2c. beschriben hand.

Josephus
Fulgosus

Also auch ander vmb hoffart / fleyschlichem glust vñ geizigkeit willē mit zauberey besudlet werdē / so groß güte / reychthumb / gwalt vñd weltlich ehren begeren / zū der reychthumb / ehren / gwalt 2c. durch sich selbs nit künnen mögen / dan vertragen sie sich mit dem Sathan / der ist in dan zū reychthumb / gwalt 2c. beholffen / wie wol es aber nit lang werd / bald laßt sie der teüffel fallen / also versücht auch Sathan Christum / vnd sprach / Dise welt wil ich dir geben / so du mich anbettest 2c. der gleich auch der teüffel mit Eua / also nachmals mit aller welt auff erden gethon 2c.

Matth. 4
Gene. 3

Von Sagnen vnd Beschweren.

In schwerer greüwel / vñ ware zauberey vor gott dem Herren ist / dz sich etlich vnderstand durch ihz Sagnen Gottes werck zū mehren / minderē / groß vnd klein zū machen / auch vor allem übel zū bewarē vñ beschirmen / vnangesehen das Gott alle ding von ewigkeit gesegnet vnd wol gesprochen hat / dan was Gott einmal gesegnet bleibt in ewigkeit gesegnet / mag von keiner creatur weither gesegnet vnd gebesseret / auch alles / so vō Gott gesegnet / vō mensche nit geleseret werden.

1 Para. 18
Gene. 27
Nume. 23

Gottes geyst laßt sich nit vom menschen / spricht der Weys / in steyn / holz / erz / kraut / wachs / eysen / öl 2c. beschwören / dz der mensch macht hab über den geist / dem geyst zū weren / od zū zwingen. Gottes geyst wil allein im hertzen des mensche wonen / darauff sagt der Herr / Ich wil euwerem sagen den fluch geben / die weil jr nit nach meinem hertzen wandlen / vnd widerumb / den güeten / den fluch wenden einsegnen.

Sapient. 12
Eccle. 8

Malach. 2

Declaracion Zauberey

Gene. 14
Zu merem verstand diser Declaracion des wörtlins
Sägē/sollē wir verstan/dz/dz wörtlin segnē in drey er-
ley weg gebraucht vnd genummen wirt. Zum ersten für
güt/grecht vñ heylig zemachen. Zum anderen/für wol
reden/loben Gott für den anderen bitten/ als Welchis
sedech segnet Abraham / sprach im wol / batt Gott für
in/das er in allem seinem leben gesegnet würd.

Gene. 49
Item Jacob segnet alle sein sun vñnd Kindes Kind/
batt den Herren/das sie von im groß gemacht vnd ge-
segnet würden.

3 Reg. 22
Job 1
Zu dē dritten/wirt etwan segnen für flüchen genum-
men/als vom Laboth geschribē/ er solte Gott vñ dem
Künig gesegnet/das ist/gesflücht haben. Item Sathan
sagt zu Gott/Lasß alles/so Job besitzet / sein hab vñnd
güt antasten / gelt er werdt dich ins angesicht segnen/
das ist/flüchen zc.

Gene. 1.9
Psal. 17. 115
Das erst segnen/stat allein Gott vnd keiner creatu-
ren zu/der segnet vns allein/macht vns groß/gibt vns
sein benediction/dē aller gwalt vnderworffen ist / der
vns allein erhalten mag vnd wil / also segnet Gott die
welt / sprechende / Seyt fruchtbar vnd mehret eüch zc.
Der gleych David spricht / Segne vns Gott / das wir
in dein erkännuß kumen. Der Herr wirt vns segnen/
spricht er weither/sein benedeyung geben zc.

Hebr. 7
Wer nun die creaturen mehren vnd minderen/auch
also segnen wil / der muß Gott vñnd kein mensch oder
creaturen sein/wañ ein ding grösser machen/ dan es an
im selber von Gott geschaffen/stat nit an der geschöpff/
sonder schöpffers hand vñnd gwalt/auch muß allweg
der segner mehr / dan das gesegnet sein. Diser ist allein
der segnet/benedeyet/großmacht/auch alles vnder sei-
nem

vnd Hexenwerck.

nem gwalt erhalten wirt/vñ keiner creatur / was nun
gesegnet / sol vñd muß von dem/der segnen vnd bene-
deyen mag vnd kan/gesegnet/gebenedeyet vñ erhalten
werden/anders ist's alles vmb sunst vnd verloren.

Deut. 32
Hester xiiij

Das ander Sagnen/ist ein werck des glaubens vnd
der liebe Gottes/so wir bitten vmb rechten verstand vñ
wolfart vñsers nechste. Als Jacob gethon/das in gott
behüt/vñd in seinem schirm erhalten wöll/nit das wir
söllichs auß eygner krafft vnd macht vermögen / vnse-
re wort so hoch spannen / das sie in Gottes gwalt vnd
herzigkeyt greyffen wöllen / alleyn das wir von Gott
dem Herren warten/ bitten vñ begeren/ das sein gnad
gwalt ob vns halten vnd schwäben wöll zc.

Das dritt segnen/ist Gott vñ den nechsten für nich-
te halten / vff seinen stül / gwalt vnd herzigkeit setzen/
dise verzweiflete / arme leüt sagnen Gott / das ist/ flü-
chen/ schelten Gott / tragen vngedult ob seinem creüz/
setzen sich auch an sein statt/wöllen auß eygner wytz vñ
gwalt/mehr dan Gott der Herz vermögen. Dise reden
vnnütze ding / spricht David/ sprechen/ Vñser zung sol
überhand haben / vns gebürt zü reden / wer ist vnser
Herz? wer wil vns meysteren? was wir reden vñd
thünd/dz ist gerecht vñ güc/muß alles gelten/niemants
sol es wider sprechen zc.

Psal. 12

Das seind nun dise leüt / so auß eygner vermessenheit
vnderstond die creaturen zü sagnen vnd incantieren/
ja warlich wecken sie mehr den fluch / dan sãgẽ über sie/
Gott wirt in auch den fluch an statt des sãgens geben.
Wie kündren sie sagnen/güts thün/ oder wol sprechen/
die weil sie böß seind:nit im glauben Gottes wandlen?
Ja jr ding nichts/dan lügen vnd übel sprechen ist/ver-
S meinende/

Malach. 2

Psal. 116

Declaration Zauberey

Act. 19

meynende/so sie etlich wort/sägen zc. mit er dachten/selz
gamen Characteren über leüt vñ siech/auch ander crea-
turen sprechen / bald soll jm gholffen / oder der teüffel
mit seinem gspönst dar mit vertriben werden / darin sie
aber mehr betrogen/dañ der teüffel nit vmb des sägen
oder worts willen weycht / sich nit also überbolderen
laßt / wie wir bey den sünen Sceue ein exempel hand/
die sich vndernumen in dem namen Jesu teüffel auß ze-
treiben / wie Paulus gethon / vñnd doch kein glauben
hattē. Zü den 8 teüffel also sprach / Jesum ken ich / Pau-
lum weyß ich wol / wer seyd aber jr ? vñnd der böse geyst
sprang auff sie / ward ihr mächtig / warff sie vnder sich /
also das sie nackend vñnd verwundt von jm komen zc.
darumb bewardt eüch wol. D jr ellenden sägner / stond
dieses greüwels vñnd gspönstes ab / wölt jr von Gott
nit verbannet / vñnd von dem teüffel nit betrogen sein.

Nie haben wir zweyerley Sägner vñnd Zauberer /
ettlich auff der grechten seyten / so wöllen dar mit wol
vñnd Christenlich gehandelt han / schämen sich jr er jr-
thumb nit / wöllen dar durch hoch gehalten sein / trug-
der sie darumb straff / als die Mönch / Nunnē vñnd
Pfaffen zc. thünd / vermeinē mit jren güten Worten vñ
wercken / wie wol mit betrogne won / auß creaturen ein
Gott machen / auß brot / wein zc. Christum sägnen.

Item das saltz / wasser / Kraut / wachs / gloggen / tem-
pel / ertz / Kirchhöff zc. zü sägnen oder weyhen / vñnd wo
die hin gebraucht / das da alles gspönst in lüffte / was-
ser vñnd auff erden weichen müß / das ein rechte thorheit
ist / dañ der teüffel dise ding nit flücht / ja mehr dich dar
in zü betriegen vrsach hat.

Das ander sägnen / auff der glincken seyten ist / so
etlich

vnd Hexenwerck.

etlich allerley/güt vnd böse wort / mit verstand vñ vn-
uerstand/dz mit Karacterē/ creüzen/thaw ic. gebraus-
chen / dar mit zñ vermeynen / die creaturen zñ beschir-
men vnd zñ verenderen.

Als die / so ire vnd anderer schwerdt/ waffen sägnen
vnd beschwören / da mit sie nit von den gelegt vñnd ges-
chediget werden/wie dan oft beschehen/ das einer mit
blosser leib/vnuerfört dar auff getanget hat / Vrsach
was das Kraut/Mala fides genant.

Ander beschwören vnd sägnen ir gschütz / nit alleyn
das sie nit dar von gelegt / sonder ander leüt / one fól/
dar mit letzen vñ beschedigen mögen/was sie für sägen/
zauberey ic. dar zñ brauchen/wil ich/ diser zeyt nit off-
nen/da mit and/zñ diser zauberey/nit vrsach nemen ic.

Dar bey find man auch verzwey flet leüt / die sich in
des teuffels namen auff sant Andreas tag nider legen/
segnen sich dar zñ/dz in ir gespons auff die selbigē nacht
erscheine soll/das dan oft beschicht/macht des teuffels
list/da mit sie in irer abgötterey bestätiget werden.

Vil auch deren befunden/ die sägen vñnd Karacter
wunderbarlicher art auff jung frauen pergamen ges-
schriben/ auch etwan sant Johannes Euangelion dar
bei an hals gehēckt/lassend in die wort Adonay/ Ana-
nisapta/tetragramaton ic. auff gold/silber ic. stechen/
sol in dan güt für den gehen tod / pestilenz vñnd ander
presten sein / als ob Gottes macht in disen gschribten
verfasset sey. Das aber ein abzug von Gott/ vnd rech-
te thorheit vor den Christen ist.

Dar bei sol des gottlosen sägners nit verschonet sein/
der vnuerschampt / offenlich/mit grosser blindheit ge-

S ij dar

Declaration Zauberey

dar wunden / stich / blüt / glidwasser 2c. mit thorechten
worten sägnen / bald solle die wund / stich 2c. geheylet /
das blüt / wasser gestellet werden 2c. vergessend dar bei
aller natürlichen mittel vñnd art / durch die dem gebres
sten sunst zu helffen wer.

Die Kan ich der geschicht eins thorechten weibs nit
stille stan / die eylend zu einem schüler Kan / ermanende
mit ganzem fleyß / er solle dem weyb / iren in der hand
erzeygten zedel / bald vñ bald abzircklen vñ schreiben /
da mit sie von iren lippenden / trieffenden augen / so sie
den zedel an hals gehenckt / entlediget werden möcht.
Der Knab aber den zedel / vmb seiner verblichēheit / wie
sie dan alle seind / nit lesen mocht / bald schrib diser Knab
dise wort / Der teüffel reyß diesem alten weyb die augen
auß / gab den zedel dem weyb / henckt in an iren hals /
bald ward dz weyb gesund / so vil thet der zedel an iren
hals gehenckt / das alles der teüffel gethon / da mit der
aberglaub in dem weyb gestercket würdt.

Wir ist auch nit vergessen / das ich gsehen hab / ein
grossen Danfen / seines namens / den Lösch / wie sie es
nenen / incantieren vñ sägnen / der sich diser irthumb
gebraucht. Nam die Francken person / sagt sie bald auff
den herd / band jr ein zedel mit verzwey fleten büchstas
ben / caractern auff / wölchen zedel ich hernach gelesen /
darin nichts dan eytel teüffel / Lucifer / Sathan / Beel
zebub / Driēs / Belial / Pargiman / Damon / Buflaß /
Coap / Abiger / Barbaros / Marthim / Sleasar / Bis
lech / Curson 2c. geschriben waren / was das für ein sä
gen gweßt / mag ein jeder Christ wol verstan. Gott bes
hüt vns vor diser malediction / da nit Gott / sond allein
der teüffel angerüfft / noch ward der selbigen person ge
holffen /

vnd Hexenwerck.

holffen/macht der böß glaub/der in beyden was.

Nachmals ist auch vil des armen volcks/ die in ver-
zwey fleten glauben das viech / ochsen/schwein/schaff/
hund 2c. sägnen vnd incantieren/das dise nit von wölff-
fen / Beren vnnnd anderen thieren fressen oder zerrissen
werden/ setzen so vil ihres glaubens darin/das in etwan
geholfen wirt / aber nit auß des sägens krafft / sonder
auß des teuffels hilff / wie dan dise erfahrung gibt/ das
ein sägner / sein vnd anderleüt siech / durch sein sägnen
dem glück besalch/bald sich der teuffel des siechs vnder
nam/bewarbt es nach seiner art/ das von wilden thie-
ren vnuerleget bleib / dar mit aber mals der mensch
betrogen ward.

Noch eins das wir in täglicher übüg bey gemeinem
böfel hand/ so in etwan ein wietender hund / ross/och-
sen/schweyn/schaff 2c. gebissen hat/verlassend sie all na-
türlich mittel vnd kunst / durch die in möcht geholfen
werden/fallend auff sägen vnd ander zauberey/abgöt-
tery/da mit in geholfen werd / sägnen vnd breñen das
geschediget siech/on all art vnd vernunfft / gebrauchen
sich gesponster karakter oder schlüssel vn̄ anderer nar-
rerey / als sant Künprechts/sant Logy vnnnd der mehr/
vnd wo die gebraucht/bald solle dē siech geholfen sein/
das aber ein thozheit ist.

Ja brennen etwan ein thier an der stirnen / das an
hindertheyl gebissen ist / vermeynen etwas göttlicher
krafft in den vermeinten schlüßlen verborgen sein / so
doch vor anderem eyßen kein vndercheid hand.

Brennen vnnnd ander natürlich mittel brauchen/da
mit dem siech geholfen/ niemants widerfechten wil/ja
wo dz siech gebissen oder verlegt / soles an der wunden

S ij oder

Declaracion Zauberey

oder biß mit eysen gebraunt od gesalbet werden/ da mit
das gift durch den brand oder salb außgezogen/ vnd
dem thier geholffen.

Nit allein gebrauchen sich / die verblendte leüt / der
eüsserlichen abgötterey vñ wercks/sonder auch erdach-
tes betrugs/ machē Karackter / creüg den kindbetteren
über die thür / schreibend brieff mit selzamer erdachter
gschrifft / die niemants verstat / auch sie selber nit wiss-
send was es ist/ sol gut für hagel/ wind/ fewr/ meiß vñ
razen sein/ als ich selbs gesehen. Item geben den mens-
chen vnd thieren brieff zü essen / sol ihn wider die rase-
rey/taubsucht nützlich sein/ darin aber nichts / dan ein
betrug vom teüffel getriben wirt / Gott wöll sich jr er-
barmen. Zü den hab ich wol etlich mehr gesehen / die
sich auch/ das wetter zü segnen/ vnderstandē hand / als
ob Gott mit seinē firmamēt den ellenden leüten müsse
ghorsam sein / vnd was sie wöllen / bald beschehen
muß/ das ein ware geügglerey vor Gott vñ dem Chri-
sten ist/ dan warlich Gott vñ natur vom menschen nit
der maß wöllen gemeisteret sein/ die weil sie on glauben
vnd liebe söllliche vermessenheyt hand.

Von sant Johās/sant Quirins/sant Stephāns zc.
sägen / ist vil zü schreiben/ dan groß abgötterey/hepes-
rey da mit getriben wirt / vermeynend all raach / büß-
sen zc. dar mit zü erfahren vnd zü heylen / legend steyn
ins fewr/ dar nach d steyn sauffet/ quilt/ dar nach sol die
büß oder raach geurteilt sein / das alles ein werck des
teüffels vnd der waren hexen ist.

Item es volgt disen armen ein ander thorheit nach/
so ich oft gesehen/wañ ein siech/schaff/hund zc. ein bein
gebrochen / bald haben sie ein stül beyn mit thücheren
verhüllet

vnd Hexenwerck.

verhüllet vnd verbunden/vnd das thier vnuerbunden
gelon / als dan sol dem thier da mit geholffen sein/das
dan oft beschehen / hat der teüffel gethon / dar mit der
mensch betrogē / vñ in der abgötterey bestädret würd /
dz aber mals ein greüwel/dan als bald mit der natur/
kreüter/artzney zc. dem thier nit geholffen / der teüffel
dan arzet ist.

Wir ist wol bekant/dz ein Hexe ein pferd verzauberet/
vñ dz pferd mit eytel wachs begossen / dar nach ein
Sägner des gewar/das wachs von dem pferde schabt/
ein kerzen darauß gemacht / vil zauberey mit der sel-
ben kerzen triben hat.

Der gleichen on zal sâgen/incârations zc. möchten
eingezogen vnd beschriben werden/die ich vmb der lens-
ge willen für gan/vñ nit erzelle wil. Dem rechtgeschaff-
nen ist mit disem bericht vñ vnderscheid gnüg bezeügt/
das er vrteylen/was recht oder vnrecht sâgen sey / vnd
wie die malediction mit irem sâgen lauff / das Gott
dise leüt von irer irthumb wenden wöll/Amen.

Recht sâgen/consecrieren/benedeyen zc. niemants
dan allein Gott der Herz vermag / der alle ding in sei-
ner schoß verschlossen hat / on in keyn sâgen mag be-
stan/wir auch allein Gott/vñ kein creatur/vmb sâgen
vnd benediction bitten sollen.

Der nun jertz zū mal / über disen bericht / sâgen wil/
der nimpt die creatur / so er vermeindt zū sâgen / auß
Gottes hand/setzt sie in des teüffels schirm vnd gwalt/
der er doch keynen hat/macht sich zūm Gott/wie Luci-
fer gethon/wil Gott gleych vnd anlich sein / die weil er
mehr vermeindt schirm vñ gwalt in seiner/dan in Got-
tes gwalt vnd hand stan zc.

S iij Das

Declaracion Zauberey

Das seind je verzweyflet leüt/ die Gott nit für Gott halten/mehr verträwen sie dem teüffel/ dan Gott dem Herren / was sol doch der frum / trüw Gott engelten/ dz man jm nit so vil/oder mehr glaubt/verträwt / dan der creatur / die doch/ one Gott nichts vermag / vnd alles von jm haben muß/ allein auch Gott sägnen mag vnd wil/ von dem wir auch allen trost/sägen/benediction / hilff vnd glauben hand / den geb vnß Gott auß gnaden / Amen.

Geendet seind nun die ding/so zu der Theorica vnd Practica gehörend/weyther ist zu mercken/was zu der Zauberer vnd Hexen gefengknüß auch tod gebürt / so bald sie gefangen / kumpt jr ascendent zu jm/tröst sie etwan / wie er sie erlösen wöll / damit sie im vnglauben standthafft bleiben / die weil er jr noch zu seinem grüwel bedarff / spricht in früntlich zu / wie wol er sie mehrmals betrügt/dan oft Gott das nit haben wil/damit der grüwel auffgehebt / noch laßt sie der teüffel nit/damit sie nit zu Gott bekört werden / daher er in etwanden hals abwirgt/wan er in nit gehelffen mag/ ja verlaßt auch etwan am gericht vn auff dem wege nit/darumb es dan so vngeheür vom gespöñst bey jnen ist/auff das ist von nöten / das man gut sorg vnd acht auff sie hab / mit Gottes wort hefftig tröst / das dan leer one frucht nit wider kumpt/ barmhertzigkeyt Gottes durch Jesum Christu verkündt / das Gott nit den tod des sünders/sonder das er bekört werd/haben wil. Die barmhertzigkeyt Gottes grösser ist/dan d welte sünd/ Gene. 3. 1 Para. 22. Trenorum 3. Michae 7. 12. Nun wirt sie der ascendet verlassen / der das nit leiden mag/
Die weil

Esai. 45

Ezech. 18

2 Corin. 5

vnd Hexenwerck.

Die weil kein gmeins mit Gott vnd dem teüffel ist/der hoffnung/sie werd von Gott mit gnaden bedacht/vnd vom teüffel errett.


Nit mehr/ diser zeyt / von dem greüwel vnd ernstlichen gespöñst auch vnzyffer der zauberey / Dengsten/ Hexen 2c. geschribē/die weil jr handlung gnüg erkēnt/ auch bis indz fewr gefertiget ist. Noch gadt eins disem vor/dz aller Oberkeyt zü wissen / wie mit der Inquisition zü handeln sey / dar durch die handlung recht erkent/nit daran gefelt/dan ernstlich darin zü handeln ist/das ich alles der Oberkeyt beuelhen wil / mit ernstlicher ermanüg leychtlich nichts darin/on sonder groß vrsach/fürzenemen/da mit niemants vmb vnschuld so hart gemarteret werd. Dar bey auch nit schlaffend für gan lassen/wo erwan vrsach vor handen / mit disen armen leüten zü handeln ist / das der greüwel vor Gott vnd dem menschen auß gereüch vn̄ vertrochen werd 2c. Dem allem diser zeyt zü friden stan/die weil es meines ampts jetz zü der zeyt nit ist/ wo aber not/wil ich/ so vil zür besserung/hernach auß bewerren geschribten beschriben 2c.

End dises Büchleins.

[Faint, illegible text, likely bleed-through from the reverse side of the page.]

[Faint, illegible text, likely bleed-through from the reverse side of the page.]






AB 40 $\frac{24}{K, 1}$

(x 219 8653)

Sb.

AB 40 $\frac{24}{k, 1}$

12.



Hexen

Büchlein das ist ware

entdeckung vnd erklärang / oder Decla-
 tion fürnämlicher artickel der Zauberey / vnd was
 von Zauberern / Unholden / Dengsten / Nachtschaden /
 schüzen. Auch der Hexen handel / art / thun / lassen / we-
 sen / bülschafften / artzney / wohar sie erwachsen / vnd als
 e ihrer Machination. Item was Wechselkind vnd
 Vütes här / vnd darvon zü halten sey. Allen Vögten /
 Schultheyssen / Amptleüten oder Ampts verwaltern /
 vnd Regenten des weltlichen Schwerdts vnd Regis-
 nents nützlich zü lesen. Ertrwandurch den Wolgebor-
 ten Herren / Herr Jacob Freyherz von Liechtenberg /
 auß ihrer gefengtnuß erfahren / vnd jetzt durch ein
 geleerten Doctor züsamen bracht / vnd weit-
 leüffiger beschriben 2c.

